



# NEWS RELEASE

February 9, 2010

## ILONGGO

**Ang mga Veterano sang World War II ginatagaan sang isa ka semana na lang para sa "Isahanon nga Beneficio"**

**Ang tanan nga "claims" dapat mabaton sang USDVA office indi mag sobra sa Febrero 16, 2010**

Ang tanan nga "claims" sang mga Veterano sang World War II para sa beneficio nga gintukod sang 2009 Filipino Veterans Equity Compensation, probisyon sang American Recovery and Reinvestment Act (ARRA) sang 2009 dapat mabaton sang U.S. Department of Veterans Affairs (USDVA) sa Febrero 16, 2010. Ang isahanon nga pagbayad nga ini gin paagi sang pag pasa sang ARRA sa U.S. Congress kag gin pirmahan ni Presidente Obama sang Febrero 2009 para madumduman ang serbisyo sang mga qualificado nga mga veterano.

Ang "isahanon nga beneficio" nga ini ay para sa mga qualificado nga mga veterano kag ila mga asawa nga nag hatag sang ila aplikasyon bag o sang pagkamatay sang natuman nga veterano. Ang pagdugang sang beneficio sa iban pa nga mga himata kinahanglan pa sang bag o nga pag pasa kag approval sang Congreso sang America. Kada aplikasyon gina proceso gid para sa madasig nga pagbaton sang beneficio sang mga qualificado nga mga veterano.

Ang USDVA nag approvar na sang mga sobra sa 11,300 nga qualificado nga Filipino WWII nga mga veterano kag ila mga asawa sang Disyembre 29. Ini nga mga veterano kag mga byuda ginbayadan sang P6.4 billion tanan. Mga tunga sini nga kantidad ginbayad para sa beneficio sang mga Filipino WWII Veterano nga may American Citizenship kag ang nabilin nga tunga sa mga indi American citizen nga Filipino WWII Veterano.

**Ang mga individual nga indi sigurado sang ila eligibilidad o qualificasyon ginapangabay nga mag apply bag o ang deadline maski na nga indi makasumiter sang completo nga documento sang ila nga serbisyo sa militar. Ang kinahanglan lang ay ang pirmado nga application formas. Kung may mga iban pa nga mga documento nga kinahanglan, ang USDVA makuha sang mga documento nga ini o magasulat sa applicante para sa mga dugang pa nga mga inormasyon.**

Wala "master list" para sa sini nga "Isahanon nga Beneficio". Ang kada claim gina desisyonal paagi sa iya nga merito. **Ang tanan nga veterano nga pamatyag nila qualificado ginapangabay gid nga mag apply gilayon.** Ini nga proceso nga pag apply simple kag libre lang kag indi kinahanglan nga magbayad pa sang iban nga tawo para ma completo ang pormas nga ginapadala sa US Embassy.

**Kung mag padala kamo paagi sa sulat, ginapangabay nga ipadala nyo sang maaga aga para ma sigurado nga mabaton sang USDVA bag o ang deadline sa Febrero 16, 2010. Indi dapat ipadala sa deadline kundi dapat mabaton sa deadline.**

Pwede man ihatag ang aplikasyon personal diri sa opisina sang USDVA sa US Embassy. Para sa mga dugang nga mga pamangkot, pwede man kamo katawag sa USDVA sa (632) 528-2500 o 1-800-1888-5252 para sa mga sa gwa sang Manila. **Indi na kinanglan sang appointment para sa initial nga aplikasyon para sa sini nga bag o nga beneficio.**

**Isa ka final nga outreach activity paga himuong sa Davao sa Febrero 11, 2010, 8:00 a.m. to 2:00 p.m. sa Ramon magsaysay Park, Leon Garcia St., City of Davao.**

Ang mga veterano nga nag apply sa sini nga "Isahanon nga Beneficio" magabaton sang sang resibo halin sa USDVA. Wala na kinahanglan mag sumitir pa sang madamo nga aplikasyon o kinanglan pa na magkuha sang dugang nga mga informasyon kung indi gin hambal sang USDVA.

Ang mga instruction para sa sini nga "Isahanon nga Beneficio" makit sa website: <http://manila.usembassy.gov>. o telepono 301-2000 extension 2310/2367.

###